



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
Služba civilne zaštite

Broj: 07-40-4-13-52/20

Datum: 19.03.2020. godine

IZVJEŠTAJ  
PO SKRAĆENOJ LISTI PITANJA O DOSTAVLJANJU INFORMACIJA  
OPERATIVNIM CENTRIMA CZ (zaključeno u 07:00 sati)

Red. broj	VRSTA INFORMACIJE	DNEVNO STANJE
1.	Prirodne nepogode i druge pojave i događaji	<p>Prema službenim podacima Doma zdravlja Tešanj na području općine Tešanj u protekla 24 sata nema novih potvrđenih slučajeva oboljelih od Coronavirusa, niti je bilo sumnjivih slučajeva koji su poslani na analizu. Trenutno je u samoizolaciji 320 osoba.</p> <p>U skladu sa proglašenim stanjem nesreće uzrokovane pojavom Coronavirusa (COVID-19) Općinski štab civilne zaštite Tešanj proteklog dana je preduzimao niz mjera koje imaju za cilj spriječavanje širenja zaraze. Nastavljena je pojačana kontrola osoba kojima je određena kućna samoizolacija, a koju su provodili pripadnici Policijske stanice Tešanj i sanitarni inspektor Općine Tešanj. Vršena je kontrola nad provođenjem naredbi o ograničavanju rada ugostiteljskih i drugih objekata. Pored navedenih aktivnosti u poslijepodnevnom i večernjim satima vršeno je i pranje ulica i trotoara i dezinfekcija javnih površina u cilju provođenja pojačane komunalne higijene.</p> <p>U poslijepodnevnom satima Štab civilne zaštite je održao konsultativni sastanak na kojem su dogovorene dalje aktivnosti i razmotrene pristigle naredbe Federalnog štaba CZ. I dalje su na snazi mjere i preporuke izbjegavanja boravka u grupama na otvorenim i javnim prostorima, kao i provođenje svih mjera lične i opće higijene.</p> <p>Podsjećamo da su svi građani koji su nedavno boravili u rizičnim područjima zaraženim Coronavirusom prema zakonskoj obavezi dužni poštovati boravak u samoizolaciji. U provođenju kontrole samoizolacije i dalje će biti uključeni službenici Policijske stanice Tešanj. U slučaju pojave simptoma bolesti (povišena temperatura otežano disanje) osoba se treba javiti TELEFONOM svom porodičnom ljekaru (od 07:00 do 15:00 sati) ili Službi hitne medicinske pomoći na broj telefona 124.</p> <p>Općinski štab civilne zaštite će u skladu sa preporukama štabova civilne zaštite viših nivoa vlasti i preporukama kriznih štabova izdavati naredbe i preporuke u skladu sa trenutnom situacijom, a sve u cilju što efikasnijeg provođenja mjera na suzbijanju zaraze Coronavirusom.</p> <p>Sve informacije o primijeni naredbi, prijave nepoštivanja istih mogu se dobiti na broj telefona 121 (Operativni centar civilne zaštite).</p> <p>Pored navedenih aktivnosti Profesionalna vatrogasna jedinica imala je intervenciju u 13:52 sata u naseljenom mjestu Kosova (Maglaj) kojom prilikom je gorila šuma na površini 7-8 dunuma. Zbog prijetnje širenja požara na područje općine Tešanj, zatražena je pomoć i PVJ Tešanj. U gašenju su učestvovali i pripadnici DVD Jelah i DVD Tešanj.</p>
2.	Stanje puteva	<p>Magistralni put M-17: Šamac-Sarajevo i magistralni put M-4: Doboj-Banja Luka: <b>suh</b>. Zbog izvođenja radova na sanaciji mosta preko rijeke Radušice na magistralnom putu M-4 u Rosuljama, saobraća se privremenom obilaznicom.</p> <p>Regionalni put RP-474: Novi Šeher-Prnjavor: <b>suh</b>.</p> <p>Lokalni putevi: <b>suh</b>.</p> <p><b>Saobraćaj se odvija po suhim putevima.</b></p>
3.	Klimatološki i drugi uslovi	<p>Stanje u 08:00 sati: <b>vedro i sunčano</b>;</p> <p>-Temperatura zraka u 08:00 sati: <b>7°C</b>;</p> <p>-Relativna vlažnost: <b>85%</b>;</p> <p>-Pritisak: <b>1011,0 mbar</b>;</p> <p>-Pravac i brzina vjetra: <b>- m/s</b>;</p> <p>-Količina padavina za protekla 24 sata: <b>- lit/m<sup>2</sup></b>;</p> <p>-Vodostaj rijeka: <b>BOSNA, USORA- U granicama normalnog. TEŠANJKA –Ispod normalnog. Vodostaj Usore jutros je iznosio 74 cm.</b></p>

4.	Informacije iz Policijske uprave	U protekla 24 sata na području općine evidentirane su: - <b>2 saobraćajne nezgode sa materijalnom štetom i</b> - <b>3 prijave građana.</b>
5.	Informacije iz Službe hitne pomoći i porođajnog odjela	-Služba hitne pomoći u protekla 24 sata evidentirala je <b>46 intervencija, od toga 5 zbog povreda. U bolnicu je upućeno 6 osoba.</b> -Na porođajnom odjelu Opće bolnice u protekla 24 sata rođena je <b>1 muška beba.</b>
6.	Snabdjevanje energentima, vodom i stanje telefonskih veza	<b>ELEKTRIČNA ENERGIJA – Zbog nastalog kvara i predviđenih radova na elektroenergetskoj mreži tokom dana će povremeno bez električne energije biti trafo područje Jevadžije.</b> <b>VODA- Snabdjevanje vodom korisnika vodovodnih sistema Tešanj, Jelah i Kraševo jutros se vrši uredno i ista zadovoljava zahtjeve Pravilnika o zdravstvenoj ispravnosti vode za piće.</b> <b>TELEFONSKE VEZE- Uredno funkcionišu.</b> <b>TOPLOTNA ENERGIJA- Uredno snabdjevanje.</b>
7.	Ostale informacije	/

**Dostavljeno:**

1. Općinski načelnik,
2. Kantonalna uprava CZ,
3. Mediji i
4. Arhiva.

**POMOĆNIK  
OPĆINSKOG NAČELNIKA  
mr.sig. Mensur Saletović, prof.**